

王臨川全集

^ 16
891
6



16
891
6



王臨川全集卷二十二

律詩 七言

奉酬永叔見贈

欲傳道義心猶在雖一作壯強學學一作文文章力已窮他日若能
窺孟子終身何敢望韓公摳衣最出諸生後倒屣嘗傾廣
座中祇恐虛名因此得嘉篇為貺豈宜蒙

送陳舜俞制科東歸

諸賢發策未央宮獨得菑川一老翁曲學暮年終漢相高
談平日漫周公君今壯歲收科第我欲他時看事功聞說
慨然真有意贈行聊似古人風

送何正臣主簿

何郎冰雪照青春應敵皆言筆有神魯國儒人何獨少元
君畫史故應真百年冠蓋風雲會萬里山川日月新可但
諸公能品藻會須天子擢平津

與舍弟華藏院此君亭詠竹

一逕森然四座涼殘陰餘韻去何長人憐直節生來瘦自
許高材老更剛曾與蒿藜同雨露終隨松柏到冰霜煩君
惜取根株在欲乞伶倫學鳳凰

上元戲呈貢父

車馬紛紛白晝同萬家燈火暖春風別開闔闔壺天外特
起蓬萊陸海中盡取繁華供俠少祗分牢落與衰翁不知
太乙遊何處定把青藜獨照公

次韻楊樂道述懷之作

素心非不慕前修自怪因循欲白頭獵較趣時終瑣瑣畫
墁營職信悠悠濠梁最憶知魚樂牢筴翻慙爲彘謀尚有
故人能慰我詩成珠玉每相投

和楊樂道見寄

宅帶園林五畝餘蕭條還似茂陵居殺青滿架書新繕生
白當牕室久虛孤學自難窺奧密重言猶得慰空疎相思
每欲投詩社只待春蒲葉又舒

寄吳冲卿二首

平生身事略相同三歲連牆左廡中更得謬恩分省舍又
將衰鬢作鄰翁聯翩久傍宮槐綠契闊今看楚夢紅不欲

與君爲遠別沙臺吹帽約秋風

二時吳晉州方得舉

塞垣花氣欲飛浮眼底紛紛綠漸抽悠遠山川嗟我老急
難兄弟想多愁舊知白日諸曹滿試問紅燈幾客留時節
只應無意思亦如行路判春秋

酬冲卿見別

同官同齒復同科朋友婚姻分最多兩地塵沙今齟齬二
年風月共婆娑朝倫孰與君材似使指將如我病何升黜
會應從此異願偷閑暇數經過

次御河寄城北會上諸友

客路花時祇攬心行逢御水半晴陰背城野色雲邊盡隔
屋春聲樹外深香草已堪回步履午風聊復散衣襟憶君
載酒相追處紅萼青跗定滿林

寄友人三首

萬里書歸說我愁知君不忘北城幽一篇封禪才難學三
畝蓬蒿勢易求欲與山僧論地券願爲鄰舍事田疇應須
急作南征計漠北風沙不可留

二

水邊幽樹憶同攀曾約移居向此間欲語林塘迷舊逕卻
隨車馬入他山飛花著地容難冶鳴鳥窺人意轉閑物色
可歌春不返相思空復慘朱顏

三

一別三年至一方此身飄蕩只殊鄉看沙更覺蓬萊淺數
日空驚霹靂忙渺渺水波低赤岸濛濛雲氣淡扶桑登臨
舊興無多在但有浮槎意未忘

寄張襄州

襄陽州望古來雄耆舊相傳有素風四葉表閭唐尹氏一
門逃世漢龐公故家遺俗應多在美景良辰定不空遙憶
習池寒夜月幾人談笑伴詩翁

次韻昌叔懷濳樓讀書之樂

志食長年不得休一巢無地拙於鳩聊爲薄宦容身者能
免高人笑我不道德文章吾事樂塵埃波浪此生浮看君
別後行藏意回顧濳樓祇白羞

酬淨因長老樓上翫月見懷有疑君魂夢在清都之

句

道人心與世無求隱几蕭然在此樓坐對高梧傾曉月看
翻清露洗新秋登臨更欲邀元亮披寫還能擬惠休顧我
不知天上樂虛疑昨夜夢仙遊

寄張諤招張安國金陵法曹

我老願爲臧丈人君今少壯豈長貧好須自致青冥上可
且相從寂寞濱深谷黃鸝驕引子曲綺翠碧巧藏身尋幽
觸靜還成興何必區區九陌塵

欲往淨因寄涇州韓持國

紫荆山下物華新只與都城共一春令節想君攜綠酒故

情憐我踏黃塵涪魚已悔他年事搏虎方收末路身欲寄
微言書不盡試尋僧閣望西人

送別韓虞部

客舍街南初著巾與君兄弟卽相親當年豈意兩家子今
日更爲同社人京洛風塵嗟阻闕江湖杯酒惜逡巡歸帆
嶺北茫茫水把手何時寂寞濱

懷舒州山水呈昌叔

山下飛鳴黃栗留溪邊欲啄白符鳩不知此地從君處亦
有他人繼我不塵土生涯休邊滌風波時事只飄浮相看
髮禿無歸計一夢東南卽自羞

呈柳子玉同年

三年不上鄴王臺鴻雁歸時又北來水底舊波吹歲換柳
梢新葉卷春回塵沙漠漠凋雙鬢簫鼓忽忽把一盃勞事
欲歌無與和衰顏思見故人開

次韻陸定遠以謫往來求詩

牢落何由共一樽相望空復歎芝焚濟時尚負生平學慰
我應多別後文可但風流追甫白由來家世出機雲行吟
強欲偷新格自笑安能到萬分

李璋下第

浩蕩宮門白日開君王高拱試羣材學如吾子何憂失命
屬天公不可猜意氣未宜輕感慨文章尤忌數悲哀男兒
獨患無名爾將相誰云有種哉

送楊驥秀才歸鄱陽

客舍風塵弊綵衣，悲吟重見雁南飛。荆山和氏方三獻，太學何生且一歸。曠野已寒諳獨宿，長年多難惜分違。巾箱所得皆幽懿，亦見鄉人爲發揮。

平山堂

城北橫岡走翠虬，一堂高視兩三州。淮岑日對朱欄出，江岫雲齊碧瓦浮。墟落耕桑公愷悌，杯觴談笑客風流。不知峴首登臨處，壯觀當時有此不。

示德逢

先生貧敝古人風，朽想榮桑在眼中。憐愍雞豚非孟子，勤勞禾黍信周公。深藏組麗三千牘，靜占寬閑五百弓。處世但令心自可，相知何藉一劉龔。

示四妹

孟光求壻得梁鴻，廡下相隨不諱窮。卓犖才名今日事，蕭條門巷古人風。五噫尚與時多忤，一笑兼忘我屢空。六月塵沙不相貸，茫然搔首又西東。

寄酬曹伯玉因以招之

寒鷗對立西風樹，幽草環生白露庭。清坐喜無公事擾，高談時有故人經。思君異日投朱紱，過我何時載滌醅。及此江湖氣蕭爽，最宜相值倒吾甌。

次韻奉酬李質夫

逸少池邊有舊山，幾年征淚染衣斑。鴛鴦自飽方爭路，騷

三國集卷二十二
六
裹長飢不在閑雪漲江南歸浩蕩煙埋河朔去間關勞歌
一聽皆愁思況我心非木石頑

寄袁州曹伯玉使君

宜春城郭繞樓臺想見登臨把一盃濕濕嶺雲生竹箇冥
冥江雨熟楊梅政成定入邦人詠詩就還隨驛使來錯莫
風沙愁病眼不知何日爲君開

邢太保有鶴折翼以詩傷之客有記翎經冥三韻而

忘其詩者因作四韻

不爲摧傷改性靈靜中猶見好儀形每憐今日長垂翅卻
悔當時誤翦翎醫得舊創猶有法相知多難豈無經稻梁
且向人間覓莫羨搏風起北冥

寄致政吳虞部

白鷗生意在滄波不爲風塵有網羅年抵馮唐初未半才
方疎廣豈能多孤清楚國知誰繼遺愛彬人想共歌嗟我
欲歸真未晚雪舟乘興會相過

再至京口寄漕使曹郎中

漂流曾落此江邊憶與詩翁賦浩然浩然堂名鄉國去身猶萬
里驛亭分首已三年北城紅出高枝靚南浦青回老樹圓
還似昔時風露好只疑談笑在君前

次韻平甫金山會宿寄親友

天末海門橫北固煙中沙岸似西興已無船舫猶聞笛遠
有樓臺祇見燈山月入松金破碎江風吹水雪崩騰飄然

欲作乘桴計一到扶桑恨未能

送何聖從龍圖

射策曾稱蜀郡雄朝廷重得漢司空應留賜席丹塗地誤
責飛芻紫塞功三徑欲歸無舊業百城先至有清風潞山
直與天爲黨回首孫高想見公

送趙學士陝西提刑

遙知彼俗經兵後應望名公走馬來陛下東求今日始曾
中包畜此時開山西豪傑歸囊牘渭北風光入酒盃堪笑
陋儒昏鄙甚略無謀術贊行臺

丙申八月作

秋風摧剝利如刀漠漠昏煙玩日高眼看南山露崖巖心
隨東水轉波濤歸期正自憑著蔡生理應須問酒醪還有
詩書能慰我不多霜雪上顛毛

登西樓

樓影侵雲百尺斜行人樓上憶天涯情多自悔登臨數目
極因驚悵望賒一曲平蕪連古樹半分殘日帶明霞潘郎
何用悲秋色祇此傷春髮已華

卽事

河流南苑岸西斜風有晶光露有華門柳故人陶令宅井
桐前日總持家嘉招欲覆盃中綠麗唱仍添錦上花便作
武陵樽俎客川源應未少紅霞

王臨川全集卷二十三終

王臨川全集卷二十三

律詩 七言

酬吳仲庶小園之句

舊年臺榭掃流塵
職閉朱門歲又新
花影隙中看裊裊
車音牆外去麟麟
相逢豈少佳公子
一醉何妨薄主人
祇向東風邀載酒
定知無奈帝城春

始與韓玉汝相近居
遂相與遊今居復相近而兩家
子唱和詩相屬因有此作

羈旅兒童得近鄰
相知邂逅卽情親
當時豈意兩家子
此地更爲同社人
勳業彈冠知白首
文章投筆讓青春
萬金雖愧君多產
比我淵明亦未貧

春寒

春風滿地月如霜拂曉鐘聲到景陽花底袂衣朝宿衛柳
邊新火起巖糍冰殘玉鬢泉初動水澀銅壺漏更長從此
暄妍知幾日便應鷓鴣損年芳

次韻再遊城西李園

京師花木類多奇常恨春歸人未歸車馬喧喧起塵土園
林處處鎖芳菲殘紅已落香猶在羈客多傷涕自揮我亦
悠悠無事者約君聯騎訪郊圻

予求守江陰未得酬昌叔憶江陰見及之作

黃田港北水如天萬里風牆看賈船海外珠犀常入市人
間魚蟹不論錢高亭笑語如作日末路塵沙非少年強乞

一官終未得祇君同病肯相憐

送蘇屯田廣西轉運

置將從來欲善師百城蹉跌起毫釐驅除久費兵符出按
撫紛煩使節移恩澤易行窮苦後功名常見急難時孺文
此日風流在直筆他年豈愧辭

酬淮南提刑邵不疑學士

來詩及予送沈常州之詩而卒有素壁鏡詩尚未泥

句之

曾詠常州送主人豈知身得兩朱輪田疇汎濫川方壅厨
傳蕭條市亦貧以我薄材思拊偃賴君餘教得因循詢求
故有風謠在不獨鏡詩尚未泯

酬王太祝

一馬常隨世事馳，豈論江徼與河湄。已成白髮潘常侍，更似青衫杜拾遺。勳業儻來知有命，文章聊以見無期。喜君材俊能從我，力學何妨和子思。

出城訪無黨因宿齋館

關外尋君信馬蹄，漫成詩句任天倪。花枝到眼春相照，一作映山色侵衣晚自迷。今日笑談還喜共，經年勞逸固難齊。生涯零落歸心懶，多謝殷勤杜宇啼。

寄張氏女弟

十年江海別常輕，一作經豈料今隨寡嫂行。心折向誰論宿昔，魂來空復夢平生。音容想像猶如昨，歲月蕭條忽已更。知汝此悲還似我，欲爲西望涕先橫。

奉寄子思以代別

南北蹉跎成兩翁，悲歡邂逅笑言同。全家欲出嶺雲外，匹馬肯尋山雨中。趨府折腰嗟踽踽，聽泉分手惜怱怱。寄聲但有加飡飯，才業如君豈久窮。

次韻劉著作過茆山今平甫往遊因寄

華陽仙伯有茆卿，官府今傳在赤城。三鶴不歸猶地勝，二君能到亦心清。詩中慷慨悲陳迹，篇末殷勤獎後生。遙想青雲知可附，坐看閭巷得名聲。

次韻十四叔賜詩留別

窮冬追路出西津，得侍茫然兩見春。發冊久嗟淹國士，起家初命慰鄉人。行辭北闕樓臺麗，歸佐南州縣邑新。班草

王臨川集卷二十三
數行衣上淚何時杖履卻相親

次韻耿天騭大風

雲埋月缺暈寒灰飈發齊如巨象豕
縱勇萬川冰柱立紛披千障土囊開
魯門未怪爰居至鄭圃何妨禦寇來
終夜不眠誰與共坐忘唯有一顏回

法喜寺

門前白道自縈回門下青莎間綠苔
雜樹繞花鶯引去壞簷無幕鷺歸來
寂寥誰共樽前酒牢落空留案上杯
我憶故鄉誠不淺可憐鷓鴣重相催

長干寺

梵館清閑側布金小塘回曲翠文深
柳條不動千絲直荷葉相依萬蓋陰
漠漠岑雲相上下翩翩沙鳥自浮沈
羈人樂此忘歸思忍向西風學越吟

落星寺在南康軍江中

翠雲臺殿起崔嵬萬里長江一酒杯
坐見山川吞日月杳無車馬送塵埃
雁飛雲路聲低過客近天門夢易迴
勝槩唯詩可收拾不才羞作等閑來

清風閣

飛藁孤起下州牆勝勢崢嶸壓四方
遠引江山來控帶平看鷹隼去飛翔
高蟬感耳何妨靜赤日焦心不廢涼
況是使君無一事日陪賓從此傾觴

留題微之廡中清輝閣

王臨川全集卷二十三
四
故人名字在瀛洲邂逅低徊向此留鷗鳥一雙隨坐笑荷
花十丈對冥搜水涵樽俎清如洗山染衣巾翠欲流宣室
應疑鬼神事知君能復幾來遊

次韻和甫春日金陵登臺

鍾山漠漠水洄洄西有陵雲百尺臺萬物已隨和氣動一
樽聊與故人來天邊幽鳥鳴相和地上晴煙掃不開悲眼
看春長一作唯恐盡直須去取六龍回

慶老堂

陳繹

板輿去國宦三年華屋歸來地一偏種竹常疑出冬筍開
池故合涌寒泉身閑楚老猶能戲道勝鄒人不更遷嗟我
強顏無所及想君爲樂更焦然

寄陳宣叔

扁舟欲動更徘徊一笑相看病眼開事忤貴人今見節政
行豪縣眾稱材忽驚歲月侵雙鬢卻喜山川共一杯落日
亂流江北去離心猶與水東迴

寄張劍州并示女弟

時張以太夫人
喪自劍州歸

劍閣天梯萬里寒春風此日白衣冠烏辭反哺顛毛黑鳥
引思歸口血丹行路想君今骨瘦相逢添我老悲酸浮雲
渺渺吹西去每到原頭勒馬看

元珍以詩送綠石硯所謂玉堂新樣者

玉堂新樣世爭傳況以蠻溪綠石鐫嗟我長來無異物愧
君持贈有佳篇久埋瘴霧看猶濕一取春波洗更鮮還與

故人袍色似論心於此亦同堅

和微之林亭

爲有檀欒占雒陽憶歸杖策此徜徉觀魚得意還知樂入
鳥忘機肯亂行未敢許君輕去國不應如我漫爲郎中園
日涉非無趣保此千鍾慰北堂

酬微之梅暑新句

江梅落盡雨昏昏去馬來牛漫不分當此沈陰無白日豈
知炎早有彤雲琴絃欲緩何妨促畫蠹微生故可熏回首
涼秋知未遠會須重曝阮郎褌

平甫與寶覺遊金山思大覺并見寄及相見得詩次

韻二首

寵參時宰道人琳氣蓋諸公弟季心勝踐肯論山在險冥
搜欲與海爭深搖搖北下隨帆影踽踽東來想足音握手
更知禪伯遠隔雲靈鷲碧千尋

二

漳南開士好叢林慧劍何年出水心獨往便應諸漏盡相
逢未免故情深檻窺山鳥有真意窻聽海潮非世音一笑
上方人事外不知衰境兩侵尋

金陵懷古四首

霸祖孤身取二江子孫多以百城降豪華盡出成功後逸
樂安知與禍雙東府舊基留佛刹後庭餘唱落船窻黍離
麥秀從來事且置興亡近酒缸

王臨川集卷二十三
二
天兵南下此橋江敵國當時指顧降山水雄豪空復在君
王神武自難雙留連落日頻回首想像餘墟獨倚窻卻怪
夏陽纔一葦漢家何事費罌缸

三

地勢東回萬里江雲間天闕古來雙兵纏四海英雄得聖
出中原次第降山水寂寥埋王氣風烟蕭颯滿僧窻廢陵
壞冢空冠劍誰復沾纓爵一缸

四

憶昨天兵下蜀江將軍談笑士爭降黃旗已盡年三百紫
氣空收劍一雙破堞自生新草木廢宮誰識舊軒窻不須

搔首尋遺事且倒花前白玉缸

次韻舍弟遇子固憶少述

時舍弟在臨川

歸計何時就一塵寒城回首意茫然野林細錯黃金日溪
岸寬圍碧玉天飛兔已聞追腰裏太阿猶恨失龍泉遙知
更憶河濱友從事能忘我獨賢

次韻昌叔詠塵

塵土輕颺不自持紛紛生物更相吹翻成地上高烟霧散
在人間要路歧一世競馳甘眯目幾家清坐得軒眉超然
祇有江湖上還見波濤恐我時

石竹花

退公詩酒樂華年欲取幽芳近綺筵種玉亂抽青節瘦刻

三
繒輕染絳花圓風霜不放飄零早雨露應從受惜偏已向
美人衣上繡更留佳客賦嬋娟

古松

森森直幹百餘尋高入青冥不附林萬壑風生感夜響千
山月照掛秋陰豈因糞壤栽培力自得乾坤造化心廊廟
乏材應見取世無良匠勿相侵

玉辰人檜鶴廟古松最爲佳樹

壇廟千年草不生幽真曾此蔭餘清月枝池上流雲影風
葉天邊過雨聲材大賢於人有用節高仙與世無情秦山
陂下今迷處苦里宮中漫得名

次韻董伯懿松聲

天機自動豈關情能作人間物外聲暝聒一堂無客夢曉
悲千嶂有猿驚廟中奏瑟沈三嘆堂下吹簫失九成俚耳
紛紛多鄭衛直須聞此始心清

次韻荅平甫

高蟬抱殼悲聲切新鳥爭巢諍語忙長樹老陰欺夏日晚
花幽艷敵春陽雲歸山去當簷靜風過溪來滿坐涼物物
此時皆可賦悔予千里不相將

次韻質夫兄使君同年

樓堞相望一日程春風吹急似搖旌莫言樂國無愁夢賴
把新詩有故情客舍五漿非所願私田三徑會須成青雲
自致歸公等如我何緣得此聲

王臨川全集卷二十三終

王臨川全集卷二十四

律詩

金明池

宜秋西望碧參差憶看鄉人禊飲時斜倚水開花有思緩
隨風轉柳如凝青天白日春常好綠髮朱顏老自悲跋馬
未堪塵滿眼夕陽偷理釣魚絲

葛溪驛

缺月昏昏漏未央一燈明滅照秋牀病身最覺風露早歸
夢不知山水長坐感歲時歌慷慨起看天地色淒涼鳴蟬
更亂行人耳正抱疎桐葉半黃

泛舟青溪入水門登高齋奉呈康叔

簿領紛紛惜此時起攜佳客散沈迷十圍但見諸營柳九
曲難尋故國溪牽球欲隨流水遠放船終礙畫橋低子猷
清興何曾盡想憶高齋更一躋

爲裴使君賦擬峴臺

君作新臺擬峴山羊公千載得追攀歌鐘殷地登臨處花
木移春指顧間城似大隄來宛宛溪如清漢落潺潺時平
不比征吳日緩帶尤宜向此閑

送李才元校理知邛州

朝廷孝治稱今日鄉郡榮歸及壯時關吏相呼迎印綬里
兒爭出望旄麾北堂已足誇三釜南畝今當識兩歧獨我
尚留真有命天於人欲本無私

送張頴仲舉知奉新

故人爲邑士多稱繇賦寬賒獄訟平老吏閉門無重糶荒
山開隴有新粳方揮玉麈日邊坐又結銅章天外行此去
料君歸不久挾材如此卽名卿

張劔州至劔一日以新憂罷

客舍飛塵尚滿鶻卻尋東路想茨烈白頭反哺秦烏側流
血思歸蜀鳥前今日相逢知悵望幾時能到與留連行看
萬里雲西去倚馬春風不忍鞭

次韻子履遠寄之作

飄然逐客出都門士論應悲玉石焚高位紛紛誰得志窮
途往往始能文柴桑今日思元亮天祿何時召子雲直使

聲名傳後世窮通何必較功勳

送李太保知儀州

北平上谷當時守氣略人推李廣優還見子孫持漢節欲
臨關塞撫羌酋雲邊鼓吹應先喜日下旌旗更少畱五字
亦君家世事一吟何以稱來求

送西京簽判王著作

兒曹曾上洛城頭尚記清波遶驛流卻想山川常在夢可
憐顏髮已驚秋辟書今日看君去著籍長年歎我留三十
六峰應好在寄聲多謝欲來遊

送劉貢父赴秦州清水

劉郎高論坐噓枯幕府調聊用緒餘筆下能當萬人敵腹

中嘗記五車書聞多望士登天祿知有名臣薦子虛且復
弦歌窮塞上祇應非晚召相如

送純甫如江南

青溪看汝始蹢躅兄弟追隨各少年壯爾有行今納婦老
吾無用亦求田初來淮北心常折卻望江南眼更穿此去
還知苦相憶歸時快馬亦須鞭

送郊社宋兄除郎東歸

手持官牒出神臯迎客遙知賀酒醪照映里門非白屋欺
凌春草有青袍宦遊雖晚何妨久餓顯從來不必高孝友
父兄家法在想能清白遺兒曹

送沈康知常州

三石川集卷二十四
作客蘭陵迹已陳爲傳謠俗記州民溝塍半廢田疇薄厨
傳相仍市井貧常恐勞人輕白屋忽逢佳士得朱輪殷勤
話此還惆悵最憶荆溪兩岸春

安豐張令修芍陂

桐鄉振廩得周旋芍水修陂道路傳目想僦功追往事心
知爲政似當年魴魚鱖歸城市秔稻紛紛載酒船楚相
祠堂仍在勝遊思爲子留篇

送復之屯田赴成都

槃礴西南江與岷石犀金馬世稱神桑麻接畛餘無地錦
繡連城別有春結綬相隨通籍久推車此去辟書新知君
不爲山川險便忘吾家叱馭人

送經臣富順寺丞

故人爲縣楚江邊海角猶聞政事傳萬井已安如赤子一
麾今去上青天應開醉眼醪醑下莫起歸心杜宇前報主
代親俱有地幾人忠孝似君全

送張卿致仕

子房籌策漢時功身退超然慕赤松餘烈尚能開後世高
材今復繼前蹤執鞭始負平生願操几何知此地逢竊食
一官慚未艾緒言方賴賜從容

送梅龍圖

子真家世子雲鄉風力才華豈易當回首古人多隱約致
身今日獨輝光謨明久合分三府洽劇聊須試一方從此

政成何所報百城無事祇耕桑

送李祕校南歸

四十青衫更旅人悠悠飢馬傍沙塵久留上國言空富卻
走南州食轉貧自作詩書能見意應知時命不關身江湖
勝事從今數肯但悲歌寂寞濱

送蕭山錢著作

才高諸彥故無嫌兄弟同時舉孝廉東觀外除方墨綬西
州相見已蒼髯靈胥引水清穿市神禹分山翠入簾好去
弦歌聊自慰郡人誰敢慢陶潛

送靈山裴太博

一官留隱太常中生事蕭然信所窮有力尚期當世用無
求今見古人風迢迢舊學皆殘藁邂逅相看各老翁他日
卜居何處好溪山還欲與君同

送趙燮之蜀永康簿

蜀山萬里一青袍石棧天梯筆轡高多學侶君寧易得小
官於此亦徒勞行追西路聊班草坐憶南州欲夢刀他日
寄聲能問我應從錦水至江臯

酬吳季野見寄

時破召來詩
以賈誼見方

漫披陳蠹學經綸捧檄生平祇爲親聞道不先從事早課
功無狀取官頻豈堪置足青冥上終欲回身寂寞濱俯仰
謬恩方自歉慙君將比洛陽人

和平甫寄陳正叔

王臨川全集卷二十四
五
強行南仕莫辭勤聞說田園已曠耘縱使一區猶有宅可
能三月尚無君且同元亮傾罇酒更與靈均續舊文此道
廢興吾命在世間滕口任云云

送王太卿致政歸江陵

九卿初命亞三司朝吏相瞻得老師南闕便還新印綬東
舟只載舊書詩漢庭餞客無佳句越水歸裝有富貲回首
千年見疎范共疑今事勝當時

送叔康侍御

詔取名郎入憲臺此時方急濟時才聖聰應已虛心待姦
黨寧無側目猜白筆豈知權可畏阜囊還請上親開仁聞
讜論能醫國飛報頻隨驛騎來

寄朱昌叔

清江浸浸遶城流尚憶城邊繫小舟射虎未能隨李廣割
雞空欲戲言游雲埋塞路驚塵合相入春風滿鬢愁此日
君書苦難得漫多鴻雁起南洲

九日登東山寄昌叔

城上啼烏破寂寥思君何處坐岩堯應須綠酒醺黃菊何
必紅裙弄紫簫落木雲連秋水渡亂山煙入夕陽橋淵明
久負東籬醉猶分低心事折腰

到舒次韻答平甫

夜別江船曉解驂秋城氣象亦潭潭山從樹外青爭出水
向沙邊綠半涵行問嗇夫多不記坐論公瑾少能談只愁

王臨川全集卷二十四
六
地僻無賓客舊學從誰得指南

舒州七月十一日雨

行看野氣來方勇臥聽秋聲落竟慳
浙瀝未生羅豆水蒼茫空失皖公山
火耕又見無遺種肉食何妨有厚顏
巫祝萬端曾不救只疑天賜雨工閑

次韻答丁端州

莫嗟荒僻又離羣且喜風謠嶺北聞
銅柱雖然蠻徼接竹符還是漢家分
春書來逐衡陽雁秋騎歸看隴首雲
相見會知南望苦病骸今侶沈休文

答劉季孫

偶著儒冠敢陋今自憐多負少時心
輕軒已任人前後揭厲安知世淺深
挾策有思悲慷慨負薪無力病侵淫
愧君綠綺虛投贈更覺貧家報乏金

次韻酬王太祝

塵土波瀾不自期飄然身與願相違
衰根要路知難植病羽長年欲退飛
高論已嗟能聽少力行還恨賦材微
慚君俊少今知我一見心如客得歸

寄吳成之

綠髮溪山笑語中豈知翻手兩成翁
辛夷屋角搏香雪躡躡江頭挽醉紅
想見舊山茅徑在近隨今日板輿空
渭陽車馬嗟何及榮祿方當與子同

寄曾子固

斗粟猶慙報禮輕
嗟吾道獨難行
脫身負米將求志
戮力乘田豈爲名
高論幾爲衰俗廢
壯懷難值故人傾
荒城回首山川隔
更覺秋風白髮生

至開元僧舍上方次韻舍弟二月一日之作

溪谷濺濺嫩水通
野田高下綠蒙茸
和風滿樹笙簧雜
霽雪兼山粉黛重
萬里有家歸尚隔
一廬無地去何從
傷春故欲西南望
迴首荒城已暮鐘

寄王回深甫

少年倏忽不再得
後日歡娛能幾何
顧我面顏衰更早
憐君身世病還多
牕間黯淡月含霧
船底飄飄風送波
一寸古心俱未試
相思終夜起悲歌

次韻答彥珍

手得封題手自開
一篇美玉綴玫瑰
眾知圓媚難論報
自顧窮愁敢角才
君臥南陽惟畎畝
我行西路亦風埃
相逢不必嗟勞事
尚欲賡歌詠起哉

寄闕下諸父兄兼示平甫兄弟

父兄爲學眾人知
小弟文章亦自奇
家勢到今宜有後
士才如此豈無時
久聞陽羨溪山好
頗與淵明性分宜
但願一門皆貴仕
時將車馬過茆茨

王臨川全集卷二十四終

王臨川全集卷二十五

律詩

七言

七言長律附

鍾山西庵白蓮亭

山亭新破一方苔
白帝留花滿四隈
野豔輕明非傅粉
秋光清淺不憑材
鄉窮自作幽人伴
歲晚誰爲靜女媒
可笑遠公池上客
卻因松菊賦歸來

贈老寧僧首

秀骨厖眉倦往還
自然清譽落人間
閑中用意歸詩筆
靜外安身比太山
欲倩野雲朝送客
更邀江月夜臨關
嗟予蹤迹飄塵土
一對孤峰幾厚顏

次韻舍弟賞心亭卽事二首

檻折簷傾野水傍臺城佳氣已消亡難披梗莽尋千古獨
倚青冥望八荒坐覺塵沙昏遠眼忽看風雨破驕陽扁舟
此日東南興欲盡江流萬里長

二

霸氣消磨不復存舊朝臺殿祇空村孤城倚薄青天近細
雨侵凌白日昏稍覺野雲成晚霽卻疑山月是朝暎此時
江海無窮興醒客忘言醉客喧

次韻陳學士小園卽事

牆屋雖無好鳥鳴池塘亦未有蛙聲樹含宿雨紅初入草
倚朝陽綠更生萬物天機何得喪百年心事不將迎與君
杖策聊觀化搔首春風眼尚明

寄友人

飄然羈旅尚無涯一望西南百嘆嗟江擁涕洟流入海風
吹魂夢去還家平生積慘應銷骨今日殊鄉又見花安得
此身如草樹根株相守盡年華

登大茅山

一峰高出眾山顛疑隔塵沙道里千俯視煙雲來不極仰
攀蘿蔦去無前人間已換嘉平帝地下誰通句曲天陳迹
是非今草莽紛紛流俗尚師仙

登中茅山

翛然杖屨出塵囂雞犬無聲到泐寥欲見五芝莖葉老向
攀三鶴羽翰遙容溪路轉迷橫徇仙几風來得墮樵興罷

日斜歸亦懶更磨碑
荈認前朝

登小茅山

捫蘿路到半天窮
下視淮州杳靄中
物外真游來几席
人間榮願付蒼通
白雲坐處龍池杳
明月歸時鶴馭空
回首三君誰更似
子房家世有高風

送張仲容赴杭州孫公辟

萬屋相誇漆與丹
笑歌長在綺紈間
綵船春戲城邊水
畫燭秋尋寺外山
憶我屢隨遊客入
喜君今赴辟書還
遙知曼倩威行久
赤筆應從到日閑

贈李士寧道人

季主逡巡居卜肆
彌明邂逅作詩翁
曾令宋賈歎車上
更使劉侯驚坐中
杳杳人傳多異事
冥冥誰識此高風
行歌過我非無謂
唯恨貧家酒盞空

次韻春日卽事

人間尚有薄寒侵
和氣先薰草樹心
丹白自分齊破蕾
青黃相向欲交陰
潺潺嫩水生幽谷
漠漠輕煙動遠林
病得一官隨太守
班春無助愧周任

次韻答陳正叔二首

青衫憔悴北歸來
髮有霜根面有埃
羣吠我方憎獬子
一鳴誰更識龍媒
功名落落求難值
日月沄沄去不回
勝事與身何等近
酒樽詩卷數須開

二

田宅荒涼去復來詩書顏髮兩埃塵忘機自許鷗相狎得
禍誰期鶴見媒此道未行身有待古人不見首空回何當
水石他年住更把韋編靜處開

送崔左藏之廣東

怪石巉巖上沈寥昔人於此奏簫韶水清但有嘉魚出風
暖何曾毒草搖今日淹留君按節當時嬉戲我垂髫因尋
舊政詢遺老爲作新詩變俚謠

苦雨

靈場奔走尚無功去馬來車道不通風助亂雲陰更密水
爭高岸氣尤雄平時溝洫今多廢下戶京困久已空肉食
白嗟何所報古人憂國願年豐

江上

村落家家有濁醪青旗招客解祇裊春風似補林塘破野
水遙連草樹高寄食舟車隨處弊行歌天地此身勞遲回
自負平生意豈是明時惜一毛

午枕

百年春夢去悠悠不復吹簫向此留野草自花還
禽相乳亦相酬舊蹊埋沒開新徑朱戶欹斜見畫樓欲把
一盃無伴侶眼看興廢使人愁

寄石鼓寺陳伯庸

鯨海無風白日閑天門當面險難攀塵埃挨臂離長陌琴
酒和雲入舊山仁義未饒軒冕貴功名莫信鬼神慳郭東

一點英雄氣時伴君心夜斗間

送熊伯通

歲暮欣逢蓋共傾川塗南北豈忘情事經官路心應折地
人家山眼更明江上月華空自照梅邊春意恰相迎關河
不鎖真消息野客猶能聽治聲

送王覃

分走人間十五年塵沙吹鬢各蒼然山林渺渺長回首兒
女紛紛忽滿前知子有才思奮發嗟余無地與迴旋相看
一作秦吳別身世何時兩息肩

送明州王大卿

大愿才臣有此州昆雲今駕鹿轡遊從來所至邦人喜真
復能分聖主憂千里封疆何足治一時名跡故應留屬城
舊吏雖疲懶尚可揮毫敵李舟

姑胥郭

誤褫雲巾別故山抵吳由越兩間關千家漁火秋風市一
葉歸舟暮雨灣旅病恹恹如困酒鄉愁脉脉似連環情知
帶眼從前緩更恐顛毛自此斑

嚴陵祠堂

漢庭來見一羊裘默默俄歸舊釣舟迹似磻溪應有待世
無西伯可能留崎嶇馮衍才終廢索寞桓譚道不謀勺水
果非鱸鮓地放身滄海亦何求

藏春塢詩獻刁十四文學士

王臨川集卷二十五
王
蒜山東渡得林丘邂逅籃輿亦少留今日更知萊氏隱暮
年長憶武陵遊欲營垣屋隨穿斷尚歎塵沙隔獻酬遙約
向吳亭下路春風深駐五湖舟

太湖恬亭

檻臨溪上綠陰圍溪岸高低入翠微日落斷橋人獨立水
涵幽樹鳥相依清遊始覺心無累靜處誰知世有機更待
夜深同徙倚秋風斜月釣船歸

蒙城清燕堂

清燕新碑得自蒙行吟如到此堂中吏無田甲當時氣民
有莊周後世風庭下早知閑木索坐間遙想御絲桐飄然
一往何時得俛仰塵沙欲作翁

次韻酬吳彥珍見寄二首

時彥珍爲教授
學有右軍墨池

君作新詩故起予一吟聊復報雙魚杖藜高徑誰來往散
帙空堂自卷舒樹外鳥啼催晚種花間人語趁朝虛春風
處處堪攜手何事臨池苦學書

二

篁竹荒茅五畝餘生涯山蕨與泉魚家貧殖貨羞端木鄉
里傳書比仲舒白日憶君聊遠望青林嗟我似逃虛春風
渺渺烏塘尾漫得東來一紙書

自金陵如丹陽道中有感

數百年來王氣消難將前事問漁樵苑方秦地皆蕪沒山
借揚州更寂寥荒墟暗雞催月曉空場老雉挾春驕豪華

祇有諸陵在往往黃金出市朝

初去臨川

東浮溪水渡長林上坂回頭一拊心已覺省煩非仲叔安
能養志似曾參憂傷遇事紛紛出疾病乘虛壘壘侵未有
半分求自贖恐填溝壑更霑襟一作馬頭西去百霑襟一
非仲叔安能養志似曾參憂傷遇事紛紛出疾病
乘虛壘壘侵手把空篇臥空屋欲歌商頌不成音

讀史

自古功名亦苦辛行藏終欲付何人當時雖閭猶承誤末
俗紛紜更亂真糟粕所傳非粹美丹青難寫是精神區區
豈盡高賢意獨守千秋紙上塵

讀詔書

慶曆七年

去秋東出汴河梁已見中州旱勢強日射地穿千里赤風
吹沙度滿城黃近聞急詔收羣策頗說新年又亢陽賤術
縱工難自獻心憂天下獨君王

每見王太丞邑事甚冗而剽劇之暇能過訪山館兼
出佳篇為贈仰歎才力因成小詩

我看繁訟頻搔首君富才明見亦常尚有閑襟尋水石更
留佳句似池塘松苗地合分高下鳧鶴天教有短長徐土
青雲猶未晚可無音問及滄浪

王浮梁太丞之聽訟軒有水禽三巢於竹林之上恬
而自得邑人作詩以美之因次元韻

水邊舟動多驚散何事林間近絕疑野意肯從威令至舊

巢猶有主人知見王太丞詩不關飲啄春江暖自在飛鳴夏日
遲覽德豈無丹穴鳳到時應讓向南枝

寄虞氏兄弟

一身兼抱百憂虞忽忽如狂久廢書疇昔心期俱喪勇比
來腰疾更乘虛久聞楊羨安家好自度淵明與世疎亦有
未歸溝壑日會應相近置田廬

除夜寄舍弟

一尊聊有天涯憶百感翻然醉裏眠酒醒燈前猶是客夢
回江北已經年佳時流落真何得勝事蹉跎只可憐唯有
到家寒食在春風因泛預溪船

答熊本推官金陵守酒

鬱金香是蘭陵酒枉入詩人賦詠來庭下北風吹急雪坐
間南客送寒醅淵明未得歸三徑金陵有舊廬叔夜猶同把一
盃吟罷想君醒醉處鍾山相向白崔嵬

和錢學士喜雪

手把詩翁憶雪詩坐愁窮海瘴煙霏誰令天上蒼茫合忽
見空中散漫飛閭闔與風生氣勢姪娥交月借光輝山鷗
瑟縮相依立邑犬跳梁未肯歸點綴丘園榮樹木埋藏溝
壑亂封圻高歌業已傳都市逸興何當叩隱扉頗欲攜樽
邀使騎幾忘温席薦親闈公今早晚班春去強勸滂田補
歲饑

送江寧彭給事赴闕

西江望士眾長兼卓犖傳家在一男壯志異時開史牒妙
齡終日對書龕桂堂發策收科選櫻苑頌詩豫宴酣大邑
援琴聊試可小州懷絃果才堪分臺拜職榮先入抗疏辭
恩恥橫覃勁操比松寒不撓忠言如藥苦非甘龍鱗直爲
當官觸虎穴寧關射利探朱戟獸頭終協夢粉闈雞舌更
須含均輸北轉荆門鷁勸課西臨蜀市蠶期信有兒迎郭
伋食貧無地乞羊曇燹垂鈴棧駝鳴圖節擁棠郊虎視眈
歸見廣墀瞻斧藻對揚初服改朱藍進班華省財方阜出
按窮邊虜稍戡帝命賈琮當冀北民歌姬爽次周南投壺
饗客魚無乙伐鼓蒐兵馬有驪鯨鬣掀紅旗沓沓虬髯吒
黑燾鬻鬻威加諸部風霜肅惠浸連營雨露涵大斗時時

能劇飲輕裘往往祗清談乾龍已應天飛五晉馬徐觀晝
接三道在君臣方自合德侔卿長亦誰慙便蕃肯較平生
寵放曠皆知雅性妯委佩去辭廷殖殖揚舲來得府潭潭
一尊客語從容盡千里人情委曲諳豈但縉紳稱召杜故
多扶杖祝彭聃幕中俊又閑刀筆帳下驍雄冷劔鐔楚地
怪須留汲黯蕭規疑欲付曹參從來貴勢公何慕自是賢
名上所貪未信逸身今已老且當憂國每如惓論心邂逅
膠投漆搔首低徊雪滿簪鎮撫未驚移歲月追攀曾許賞
煙嵐餘歡遠隔新亭餞宿惠難忘舊館驂卷曲尚誰知散
櫟崢嶸空此詠枯楠

王臨川全集卷二十五終

王臨川全集卷二十六

律詩 五言絕句 回文 六言詩附

聊行

聊行弄芳草獨坐隱團蒲問客茅簷日君家有此無

染雲

染雲爲柳葉翦水作梨花不是春風巧何緣有歲華

溝港

溝港重重柳山坡處處梅小輿穿麥過狹徑礙桑回

霹靂溝

霹靂溝西路柴荆四五家憶曾騎款段隨意入桃花

午睡

簷日陰陰轉牀風細細吹
翛然殘午夢何許一黃鸝
題齊安壁

日淨山如染風暄草欲薰
梅殘數點雪麥漲一溪雲

昭文齋

米黻題余定林所居因作

我自山中客何緣有此名
當緣琴不鼓人不見虧成
臺上示吳愿

細書妨老讀長簟愜昏眠
取簟目一息拋書還少年
示道原

久不仕城市少留心
悵然幽芳可攬結
伧子飲雲泉

傳神自讚

此物非他物今吾即故吾
今吾如可狀此物若爲摹

題何氏宅園亭

荷葉參差卷榴花次第開
但令心有賞歲月任渠催

草堂一上人

一公持一鉢想復度遙岑
地瘦無黃犢春來草更深

題黃司理園

爲憶去年梅凌寒特地來
閨前空牘盡渾未有花開

北山游亭

西崦水泠泠沿岡有游亭
自從春草長遙見祇青青

題永昭陵

神闕澹朝暉蒼蒼露未晞
龍車不可望投老涕霑衣

詠穀

可憐臺上穀轉目已陰繁不解詩人意何爲樂彼園
池上看金沙花數枝過醪醪架盛開

故作醪醪架金沙祇謾栽似矜顏色好飛度雪前開

五柳

五柳柴桑宅三楊白下亭往來無一事長得見青青

移松皆死

李白今何在桃紅已索然君看赤松子猶自不長年

山中

隨月出山去尋雲相伴歸春晨花上露芳氣著人衣

送王補之行風忽作因題四句於舟中

淮口西風急君行定幾時故應今夜月未便照相思

被召作

榮祿嗟何及明恩愧未酬欲尋西掖路更上北山頭

再題南澗樓

北山雲漠漠南澗水悠悠去此非吾願臨分更上樓

南浦

南浦隨花去迴舟路已迷暗香無覓處日落畫橋西

題定林壁懷李叔時

雲與淵明出風隨禦寇還燎爐無伏火蕙帳冷空山

離蔣山

出谷頻回首逢人更斷腸桐鄉豈愛我我自愛桐鄉

江上

王臨川全集卷二十六
四
證聖南朝寺三年到百回不知牆下路今日幾荷開

四

桃李石城塢餉田三月時柴荆常自閉花發少人知

臥聞

臥聞黃栗留起見白符鳩坐引魚兒戲行將麕女遊

秋興有感

宿雨清畿甸朝陽麗帝城豐年人樂業隴上踏歌聲

題八功德水

欲尋阿練若曳屐出東岡澗谷芳菲少春風著野桑

口占

去歲別南嶽前年返泐潭臨機一句子今日遇同參

偶書

雄也營身足聃兮悞汝多指書知聖已絕學奈禽何

送陳景初金陵持服舉族貧病煩君藥石之功

舉族貧兼病煩君藥石功長安何日到一一問歸鴻

汨姚江

軋軋櫓聲急蒼蒼江日低吾行有定止潮汐自東西

樓上

蕩漾舟中客徘徊樓上人滄波浩無主兩槳邈難親

春晴

新春十日雨雨晴門始開靜看蒼苔紋莫上人衣來

淨相寺

淨相前朝寺荒涼二十秋曾遭塵劫壞今遇勝緣修

將母

將母邗溝上留家白紵陰月明聞杜宇南北總關心

朱朝議移法雲蘭

幽蘭有佳氣千載闕山阿不出阿蘭若豈遭乾闥婆

晚歸

岸迴重重柳川低渺渺河不愁南浦暗歸伴有姮娥

題舫子

愛此江邊好留連至日斜眠分黃犢草坐占白鷗沙

惠崇畫

斷取滄州趣移來六月天道人三昧力變化只和鈇

蒲葉

蒲葉消淺水杏花和暖風地偏綠底綠人老爲誰紅

芳草

芳草知誰種綠階已數叢無心與時競何苦綠怱怱

與徐仲元自讀書臺上定林

橫絕潺湲度深尋犖确行百年同逆旅一壑我平自

病中唾起折杏花數枝二首

獨臥南牕榻翛然五六旬已聞鄰杏好故挽一枝春

二

獨臥無心起春風閉寂寥鳥聲誰喚汝屋角故相撩

送望之赴臨江

王臨川集卷三十一
黃雀有頭顱長行萬里餘想因君出守暫得免包苴
送丁廓秀才歸汝陰

風駛柳條乾駝裘未勝寒慙陌上日爲客暖征鞍

送王彥魯

北客憐同姓南流感似人相分豈相忘臨路更情親

送呂望之

池散田田碧臺敷灼灼紅年華豈有盡心賞亦無窮

別方劬秘校

迢迢建業水中有武昌魚別後應相憶能忘數寄書

梅花

牆獨數枝梅凌寒獨自開遙知不是雪爲有暗香來

紅梅

春半花纔發多應不奈寒北人初未識渾作杏花看

病起過寶覺

執手乍欣悵霜毛應更新依然舊童子卻想夢前身

書定林院牕

問遠大師師云夜來
夢與說十波羅密

道人今輟講卷祇寄松蘿夢說波羅密當如習氣何

題徐浩書法華經

一切法無差水牛生象牙莫將無量義欲覓妙蓮華

碧蕪

回文

碧蕪平野曠黃菊晚村深客倦留甘飲身閑累苦吟

夢長

夢長隨永漏吟苦雜疎鐘動蓋荷風勁沾裳菊露濃

遊月

遊月川魚躍開雲嶺鳥翻徑斜荒草惡臺廢冶花繁

泊雁

泊雁鳴深渚收霞落晚川析隨風斂陣樓映月低弦漠漠
汀帆轉幽幽岸火然壑危通細路溝曲繞平田

題西太一宮壁二首 六言

草色浮雲漠漠樹陰落日潭潭 一作柳葉鳴蜩綠三十六

陂流 一作宮煙水白頭想見江南

二

三十年前此路 一作地 父子持我東西今日重來白首欲尋

陳迹都迷

西太一宮樓

草際芙蓉零落水邊楊柳欹斜日暮炊煙孤起不知魚網
誰家

王臨川全集卷二十七

律詩 七言絕句

歌元豐五首

水滿陂塘穀滿篝漫移蔬果亦多收
神林處處傳簫鼓共
賽元豐第二秋

二

露積成山百種收漁梁亦自富
鰕鱖無羊說夢非真事豈
見元豐第二秋

三

湖海元豐歲又登
秬生猶足暗溝塍家家露積如山
隴黃
髮咨嗟見未曾

三石齋全集卷二十一
四
放歌扶杖出前林
遙和豐年擊壤音
曾侍土階知帝力
曲中時有譽堯心

五
豚栅雞埭晡霽間
暮林搖落嶽南山
豐年處處人家好
隨意飄然得往還

碁
莫將戲事擾真情
且可隨緣道我贏
戰罷兩奩分一作白
黑一枰何處有虧成

題畫扇

玉斧修成寶月團
月邊仍有女乘鸞
青冥風露非人世
鬢

亂釵斜特地寒

夢

黃梁欲熟且留連
漫道春歸莫悵然
蝴蝶豈能知夢事
蘧蘧飛墮晚花前

清明

東城酒散夕陽遲
南陌鞦韆寂寞垂
人與長餅臥芳草
風將急管度青枝

東岡

東岡歲晚一登臨
共望長河映遠林
萬竅怒鳴風喪我
千波競湧水無心

春郊

青秧漫漫出初齊
雞犬遙聞路卻迷
但見山花流出水
那知不是武陵溪

元日

爆竹聲中一歲除
東風送暖入屠蘇
千門萬戶曠曠日爭
插一作總把新桃換舊符

九日

九日無歡可得追
飄然隨意歷山陂
蔣陵西曲一作面風煙
慘澹一作也有黃花一兩枝

初晴

幅巾慵整露光華
度隴深尋一徑斜
小雨初晴好天氣
晚花殘照野人家

南蕩

南蕩東陂水漸多
陌頭車馬斷經過
鍾山未放朝雲散
奈此黃梅細雨何

芙蓉

芙蓉耐夏復宜秋
一種今年便滿溝
南蕩東陂無此物
但隨深淺見游鯈

溝西

溝西直下看芙蓉
葉底三三兩兩魚
若比濠梁應更樂
近人渾不畏春鉏

東臯

東臯攬結知新歲
西崦攀翻憶去年
肘上柳生渾不管
眼

前花發即欣然

一陂

一陂一作段淡水蔣陵西含風卻轉與城齊周遭碧銅磨作
港逼塞綠錦翦成畦

園蔬

園蔬小摘嫩還抽畦稻新春滑欲流枕簟不移隨處有飽
餐甘寢更無求

翛然

翛然三月閉柴荆綠葉陰陰忽滿城自是老年遊興少春
風何處不堪行

杖藜

杖藜隨水轉東岡興罷還來赴一牀堯桀是非時入夢固
知餘習未全忘

圖書

圖書老矣尚紛披神劓天黥似有知茅竹結蟠聊一榻卻
尋三界外愚痴

老嫌

老嫌智巧累形軀欲就田翁學破除百歲用癡能幾許救
吾黥劓可無餘

移柳

移柳當門何啻五穿松作徑適成三臨流遇興還能賦自
比淵明或未慙

誰將

誰將石黛染春潮復撚黃金作柳條西崦東溝從此好筍
興追我莫辭遙

雪乾

雪乾雲淨見遙岑南陌芳菲復可尋換得千顰爲一笑春
風吹柳萬黃金

南浦

南浦東岡二月時物華撩我有新詩含風鳴綠鄰鄰起弄
日鵝黃裊裊垂

竹裏

竹裏編茅倚石根竹莖疎處見前村閑眠盡日無人到自

有春風爲掃門

隨意

隨意柴荆手自開沿岡度塹復登臺小橋風露扁舟月迷
鳥羈雌竟往來

秋雲

秋雲放雨靜山林萬壑崩湍共一音欲記荒罪無善處賴
傳悲壯有能琴

春風

春風過柳綠如縑晴日烝紅出小桃池暖水香魚出處一
環清浪湧亭臯

陂麥

陂麥連雲慘淡黃
綠陰門巷不多涼
更無一片桃花在
借問春歸有底忙

木末

木末北山煙冉冉
草根南澗水泠泠
縹緲成白雷
桑重綠割盡黃雲稻正青

進字說二首

正名百物自軒轅
野老何知強討論
但可與人覆醬瓿
豈能令鬼哭黃昏

二

鼎湖龍去字書存
開闢神機有聖孫
湖海老臣無四目
設將糟粕汗修門

窺園

杖策窺園日數巡
攀花弄草興常新
董生只被公羊惑
肯信捐書一語真

嘲白髮

久應飄轉作蓬飛
眷惜冠巾未忍違
種種春風吹不長
星星明月照還稀

代白髮蒼

從衰得白白天機
未怪長青與願違
看取春條隨日長
會須秋葉向人稀

外厨遣火二首

竈鬼何爲便赫然
似嫌刀机苦無羶
圖書得免同煨燼
卻

賴厨人清不眠

二

青煙散入夜雲流赤焰侵尋上瓦溝門戶便疑能炙手比鄰何苦卻焦頭

初夏卽事

石梁茅屋有彎碕流水濺濺度兩波清日暖風生多氣綠陰幽草勝花時

千蹊

千蹊百隧散林丘圖畫風煙一色秋但有興來隨處好楊朱何苦涕橫流

和陳輔秀才金陵書事

南郭先生比鷓鴣年年過我未愆期休論王謝當時事大抵烏衣祗舊時

和耿天隲以竹冠見贈四首

竹根殊勝竹皮冠欲著先須短髮乾要使山林人共見不持方帽禦風寒

二

無物堪持比此冠竹皮柔脆穀皮乾故人戀戀綈袍意豈爲哀憐范叔寒

三

滋潤金明信好冠錯刀剗出蘚紋乾不忘君惠常加首要使權盟未可寒

四

冠工新意斲檀欒霧卷雲烝久未乾遺我山林真自稱何須貂暖配金寒

和郭功甫

兄欲相邀臥看山扁舟自可送君還留連山郭今如此知復何時伴我閒

葉致遠置洲田以詩言志次其韻二首

吟嘆君詩久掉頭知君興不負滄洲土山欲爲羊曇賭且可專心學奕秋

二

若將有限計無涯自困眞同算海沙隨順世緣聊戲劇莫

言河渚是吾家

又次葉致遠韻二首

庵成有興亦尋春風暖荒萊步始勻若遇好花須一笑豈妨迦葉杜多身

二

明時君尚富春秋豈比衰翁遠自投智略未應施畎畝上前他日望吾丘

次昌叔韻

寄公無國寄鍾山垣屋青松掩靄間長以聲音爲佛事野風蕭颯水潺湲

次張唐公韻

三陽川集卷二十一
八
憶昨同道八馬蹄約公投老此山樓公乘白鳳今何處我
適新年值白雞

次俞秀老韻

解我蔥珩脫孟勞暮年甘與子同袍新詩比舊增奇峭若
許追攀莫太高

酬宋廷評請序經解

未曾相識已相憐香火靈山亦有緣訓釋雖工君尚少不
應忽務世人傳

送耿天騭至渡口

雪雲江上語依依不比尋常恨有違四十餘年心莫逆故
人如我與君稀

承慶院送道原還儀真作詩要之

歲暮青條已見梅餘花次第相爭開淮南無此山林勝作
意春風更一來

送方劭秘校

南浦柔條拂地垂攀翻聊寄我西悲武昌官柳年年好他
日春風憶此時

芙蓉堂二首

投去歸來一幅巾尚私榮祿備藩臣芙蓉堂下疏秋水且
與龜魚作主人

二

乞得膠膠擾擾身五湖煙水替風塵祇將鳧雁同爲侶不

與龜魚作主人

長干釋普濟坐化

投老唯公最故人相尋長恨隔城闌百年俯仰隨薪盡畫
手空傳淨戒身

王臨川全集卷二十八

律詩 七言絕句

送黃吉甫入京題清涼寺壁

薰風洲渚薺花繁看上征鞍立寺門投老難堪與君別倚
江從此望還轅

與道原自何氏宅止堂景德寺

元豐七年三月十九日

前時偶見花如夢紅紫紛披競淺深今日重來如夢覺靜
無餘馥可追尋

過法雲

路過潮溝八九盤招提雪脊隱雲端金鈿一一花摠老翠
被重重山更寒

光宅寺 梁武帝宅也其北齊安隔淮齊武帝宅也宋興又在其北
齊安孤起宋興前光宅相仍一水邊蜂分蟻爭今不見故窠遺堙尚依然

題勇老退居院

道人投老寄山林偶坐翛然洗我心夢境此身能且在明年寒食更相尋

與寶覺宿龍華院三絕句

舊有詩云京口瓜州一水間鍾山只隔數重山春風

自綠江南岸明月何時照我還

老於陳迹倦追攀但見幽人數往還憶我小詩成悵望鍾山只隔數重山

二

世間投老斷攀緣忽憶東遊已十年但有當時京日月與公隨我故依然

三

與公京口水雲間問月何時照我還邂逅我還還問月何時照我宿金山

清涼白雲庵

庵雲作頂峭無鄰衣月爲衿靜稱身木落岡巒因自獻水歸洲渚得橫陳

自定林過西庵

午雞聲不到禪林栢子煙中靜擁衾忽憶西巖道人語杖藜乘興得幽尋

歸庵

稻畦藏水綠秧齊松鬣初乾尚有泥縱蹇尋岡歸獨臥東
庵殘夢午時雞

雪中遊北山呈廣州使君和叔同年

南州歲晚亦花開有底堪隨驛使來看取鍾山如許雪何
須持寄嶺頭梅

謝安墩二首

我名公字偶相同我屋公墩在眼中公去我來墩屬我不
應墩姓尚隨公

二

謝公陳迹自難追山月淮雲祇往時一去可憐終不返暮

年垂淚對桓伊

東陂二首

東陂風雨臥黃雲滕水翻溝隔壠分春玉取新知不晚腰
鎌今日已紛紛

二

荷葉初開筍漸抽東陂南蕩正堪游無端壠上條條麥橫
起寒風占作秋

山陂

山陂院落今接種城郭樓臺已放燈白髮逢春唯有睡
聞啼鳥亦生憎

欲往北山以雨止

王臨川全集卷二十六
北山朝氣澹高秋欲往愁霑獨少留散策緣岡初見日興
隨雲盡復中休

耿天騭惠梨次韻奉酬

故人家果獨難忘秋實初成便得嘗直使紫花形味勝豈
能終日望咸陽

二

淮圃新陰百畝涼分甘每得助秋嘗張公大谷雖云美誰
肯苞苴出晉陽

三

甘滋南北共傳誇栽接還如老圃家誰謂交梨非外獎因
君澆灌已萌芽

北山有懷

香火因緣寄北山主恩投老更人間傷心躑躅岡頭路明
日春風自往還

定林

窮谷經春不識花新松老栢自欹斜慙慙更上山頭望白
下城中有幾家

封舒國公三首

陳迹難尋天柱源疏封投老誤明恩國人欲識公歸處楊
柳蕭蕭白下門

二

桐鄉山遠復川長紫翠連城碧滿隍今日桐鄉誰愛我當

時我自愛桐鄉

三

開國桐鄉已白頭
國人誰復記前遊
故情但有吳塘水
轉入東江向我流

北陂杏花

一陂春水繞花身
花影妖嬈各占春
縱被春風吹作雪
絕勝南陌碾成塵

五更

青燈隔幔映悠悠
小雨含煙凝不流
祇聽蛩聲已無夢
五更桐葉強知秋

與薛肇明弈碁賭梅花詩輸一首

華髮尋春喜見梅
一株臨路雪培堆
鳳城南陌他年憶
杳難隨驛使來

又代薛肇明一首

野水荒山寂寞濱
芳條弄色最關春
故將明艷凌霜雪
未怕青腰玉女真

溝上梅花欲發

亭亭背暖臨溝處
脈脈含芳映雪時
莫恨夜來無伴侶
月明還見影參差

紅梅

江南歲盡多風雪
也有紅梅漏洩春
顏色凌寒終慘澹
不應搖落始愁人

耿天隲許浪山千葉梅見寄

聞有名花即謾栽，慙慙準擬故人來。故人歲歲相逢晚，一作

能相見知復同看幾度開。

與天隲宿清涼廣惠僧舍

故人不惜馬虺隤，許我年年一度來。野館蕭條無準擬，與

君相殖浪山梅

池上看金沙花數枝，過醪醖架盛開二首

午陰寬占一方苔，映水前年坐看栽。紅蘂似嫌塵染污，青條風上別枝開。

二

醪醖一架最先來，夾水金沙次第栽。濃綠挾疎雲對起，醉

紅撩亂雪爭開

北山

北山輪綠漲橫陂，直漚回塘灑灑時。細數落花因坐久，緩尋芳草得歸遲。

詠菊二首

補落迦山傳得種，閻浮檀水染成花。光明一室真金色，復似毗耶長者家。

二

院落深深數菊叢，綠花錯莫兩三蜂。蜜房歲晚能多數，酒盡重陽自不供。

楊柳

楊柳杏花何處好石梁茅屋雨初乾
綠垂靜路要深駐紅寫清波得細看

北山道人栽松

陽坡風暖雪切融度谷遙看積翠
一語何拂天吾所愛他年來此聽樓鐘

山櫻

山櫻抱石蔭松枝比並餘花發最遲
賴有春風嫌寂寞吹香渡水報人知

償薛肇明秀才檀木

濯錦江邊木有檀小園封植仵華滋
地偏或免淵聖旄伐歲晚聊同庾信移

馬斃

恩寬一老寄松筠晏臥東牕度幾春
天廐賜駒龍化去謾容小蹇載閑身

出郊

川原一片綠交加深樹冥冥不見花
風日有情無處著初迴光景到桑麻

懷府園

槐陰過雨盡新秋盆底看雲映水流
忽憶小金山下路綠蘋稀處看游鯈

江寧夾口二首

鍾山咫尺被雲埋何況南樓與北齋
昨夜月明江上夢逆

隨潮水 秦淮

二

日西江口洛征帆，卻望城樓淚滿衫。從此夢歸無別路，破頭山北北山南。

蔣山手重松

青青石上歲寒枝，一寸巖前手自移。聞道近來高數尺，此身蒲柳故應衰。

中年

中年許國邯鄲夢，晚歲還家曠垠遊。南望青山知不遠，五湖春草入扁舟。

寄四姪旂

數篇持往助歡哈，想見封題手自開。春草已生無好句，阿連空復夢中來。

二

一日東岡上幾迴，百重雲水隔蘇臺。一作一日東岡望百迴遙知別後詩無數，黃犬歸時總寄來。

寄吳氏女子

夢想平生在一丘，暮年方此得優游。江湖相忘真魚樂，怪汝長謠特地愁。

寄蔡天啟

杖藜緣塹復穿橋，誰與高秋共寂寥。伫立東岡一搔首，冷雲衰草暮迢迢。

呈陳和叔

數椽生草覆莓苔一作數椽牢落長莓苔一徑牆陰斷雪開玉匣囊衣新徙舍杖藜從此為君來

二

數椽庖屋茨生草三故荒園種晚蔬永日終無一杯酒可能留得故人車

招葉致遠

白下長干一水間竹雲新筍已斑斑明朝若有扁舟興落日潮生尚可還

招楊德逢

山林投老倦紛紛獨臥看雲卻憶君雲尚無心能出岫不

應君更懶於雲

和叔招不往

門前秋水可揚舡有意西尋白下亭只欲往來相邂逅卻嫌招喚苦丁寧

和叔雪中見過

捐書去寄老山林無復追緣緣一作尋往事心忽值故人乘雪興玉堂前話得重尋

俞秀老忽然不見

忽去飄然遊冶盤共疑枝策在梁端禪心暫起何妨寂道骨雖清不畏寒

與耿天隲會話

邯鄲四十餘年夢相對黃梁欲熟時萬事祇如空鳥迹怪
君強記尚能追

